



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

---

# PHILOSOPHICAL TRANSACTIONS.

---

*For the Months of November and December. 1694.*

---

## The CONTENTS.

I. **A** Paper asserting *some* Mathematical Inventions to their true Authors, by Dr. David Gregory, Astr. Prof. Savil. II. *Mons. Cassini's Tables for the Eclipses of the First Satellite of Jupiter, reduced to the Julian Stile, and Meridian of London* by Mr. Edm. Halley, S. R. S. III. *A Paper about Magnetism, &c.* by Mr. J. C. IV. *Of a Lamb suckled by a Weather Sheep: From Mr. Tho. Kirk*, S. R. S. V. *A Second Letter concerning the same.* VI. *An Account of Books.* 1. *Reflections upon Ancient and Modern Learning*, by W. Wotton, B. D. R. S. S. 2. *Horti Malabarici. Pars Undecima, Duodecima & Ultima, with Remarks thereon* by T. R. M. D. S. R. S.

---

I. *Nobilissimo & Doctissimo Viro D. Roberto Southwell, Equiti Aurato Societatis Regiæ Præsidi Dignissimo*, S. D. David Gregory, Astr. Prof. Savilianus.

CUM legerem nuper evulgatam ab Abbate Galloys Historiam eorum quæ jussu Societatis Regiæ Gallorum Parisiis anno superiore edita spectant ad Mathematicos, visum est, quoniam ita jubes, ad te circa rem illam hæc perferbere.

Nempe edidit Jacobus Gregorius Anno MDCLXVIII. Patavii librum completentem Propositiones aliquot generales de transformatione Curvarum. Has asserit (Anno demum MDCXCIII.) hic Abbas Gregorium, & deinde alias hisce similes Isaacum Barrovium Britannos, à Robervallio Gallo, & Societatis Gallorum Philosophicæ Mathematico, esse suffragatos.

N n

Cum

Cum ederet tractatum suum de parte universali Geometriæ Gregorius, vivebat Robervallius; vivebat quoque Anno MDCLXXIV, cum lectiones suas Geometricas ederet Barrovius: Barroviana quippe illa vidit probavitque Gregorius, eodem vero tempore mortui sunt Gregorius & Robervallius, mense sc. Octobri anni MDCLXXV. Robervallii vero quæ dicuntur anno primum MDCXCIII prodire. Nulli quæstus est, aut testatus unquam Robervallius nota sibi prius fuisse, quæ Britannii isti plaudentibus Geometris pro suis edebant, quamvis famæ supra modum fuerit appetens. Testem hic appello Nobilissimum C. Hugenum, qui mihi, paulo post editam hanc Abbatis fabulam, affirmavit Robervallium (cum quo multos annos familiariter vixerat) nunquam propositiones Barrovianas aut Gregorianas pro suis aut prius sibi notis vendicasse. Accedit quod cum vivente Robervallio lis orta fuerit Hugenum inter & Gregorium, in qua huic ille non pepercit, credibile non sit voluisse Hugenum deesse occasione objiciendi adversario compilata Socii Robervallii scrinia, aut noluisse Robervallium arripere opportunitatem inventa sua sibi maturè vendicandi. Edidit ergo sua Barrovius & Gregorius haudquaquam obstrepente Robervallio, qui illorum scripta tacitus vidit, neque de injuria quæstus est tam atroci ille, qui de minima solebat quæri; quippe hic nulla ei fuerat facta. Nemo sane dubitat quin Britannorum scripta viderit Gallus, quæ Mathematici omnes tum legebant: At Galli scripta vidisse Britannos (quæ mortuis ipsis primum prodeunt) quis pro certo adfirmet.

At potuit (si sit habenda fides Abbati) Epistolam Robervallii de transmutatione Curvarum Torricellio transmissam vidisse in Italia Gregorius (Italiam quoque adiit Barrovius.) Nam scripsit ad Torricellium Robervallius, quæ Gallis nolebat ostendere impertitus Italo quem eadem Epistola Plagii acriter infirmulavit. Torricellius ea non potuit non impertiri Italis suis. Itali vero non potuere illa inventa publici juris facere, neque tamen se continere quin Britannis diu post mortem Torricellii in Italiam venientibus ostenderent, permitterentque ab ipsis evulgari. Somniat hic Abbas relapsos nos esse ad ævum illud fabulosum quo Monachis potestas erat quidlibet audendi & fingendi. Quis enim hodie credat Jacobum Gregorium hominem in Italia peregrinum potuisse in ipsa Italia impune vendicare inventa illa quæ ante paucos dies ab Italis hausisset? Miraculo proximum foret si ille vigesimo anno post mortem Torricellii in Italiam veniens, hujus scripta simulque nota Italis

Rober-

Robervallii inventa inſciis aut tacentibus omnibus & Italis & Gallis, ipſo etiam tacente Robervallio, compilaffet & pro ſuis plaudente orbe Mathematico edidiſſet. Sed hæc Italis & Gallis, priuſquam à Barrovia & Gregorio ederentur, ignota fuiſſe, ſatis probat altum de univerſalibus iſtis propoſitionibus ſilentium. Ut verbis utar Carteſii, ſi iſta tum cognoviſſent, non conſcripiſſent tanta & talia de rebus Geometricis Volumina. Verum non fuerint auſi forſan Itali inventa illa à Robervallio & Torricellio per manus tradita in lucem edere, Itali quippe ut fama eſt traditiones omnes non audent edere; Atqui poſtquam illa ſunt edita, quid vetabat quominus ab Italis plagii reus ageretur Gregorius? Aut quo minus ſua ſibi aſſereret Robervallius? Nempe nondum inventus erat hic Abbas qui mortuo Robervallio ea adſcriberet quæ bonus ille vir ſibi vivo non arrogabat. Denique quid potuit obſtare quo minus rapaciſſimus ille Gregorius, ea quæ Barroviana merito nunc audiunt, pro ſuis ederet, cum prior ſcriberet, & Robervalliana edoctus eſſet ab Italis, eadem illa nempe quæ Barrovium poſtea edidiſſe aſſerit hic Abbas? Aut potius quid obſtabat quo minus ipſe Robervallius illa ederet illuſtria Theoremata quæ reliqua fecerat Gregorius, qui Robervallium docuerat quam nihil fidentum eſſet Geometris ſoli Britanni?

Sed ipſe, ſi credere faſe eſt, Gregorius in Præſatione libri ſui fatetur ſurrepta eſſe ab aliis quæ illic exſtarent. Somniat rurfus Abbas noſter. Quis enim, niſi per ſomnium, idcirco putaverit Gregorium fateri nihil in illo libro eſſe ſuum, quia in Præſatione ſcripſerat permittere ſe leſtori judicandum quid ibi ſuum (Gregorii) ſit, quid alienum? Profeſſo iudice Gregorio quædam erant illic ſua. Quæ illic ab Archimede, aliſque quorum ſcripta tum publice proſtabant non repetuntur, ea iudice Gregorio nova atque Gregoriana ſunt prorsus: Præſertim cum dicat ſe quidem apud alios methodi ſuæ veſtigia legiſſe, ſed male aut particulariter demonſtrata. Methodus ergo exhibendi demonſtrationes univerſales circa lineas curvas, hoc eſt pars univerſalis Geometriæ, iudice Gregorio Gregoriana & Barroviana eſt. Hæc ſane non intellexit noſter Abbas, ut neque partem univerſalem artis condendi fabulas; alioquin non fuiſſet contentus oſtendere Robervallio olim nota fuiſſe Barrovii Gregoriivæ quæ dicuntur inventa: facile enim fuerat eadem opera oſtendiſſe Italos & Græcos Geometriam didiciſſe à Gallis qui Romam vaſtarunt, Archimeden: Siculum potuiſſe Gallorum inventa ab Italis haurire eodem modo, quo Gallica poſtea didicit ab iſdem Gregorius aut Barrovius Britannus. Et patet eundem fabulæ morem cæteros priſci temporis Geometras complecti. Veniet quoque tempus quo Abbas hic demonſtrabit nota Robervallio faſſe illa quæ hodie in Newtono admiramur. Obſtat nunc (proh dolor) nondum intellectus Abbati, iſque qui cum Abbate faciunt, Newtoni liber. Evidens igitur oſt deſcriptas fuiſſe per Robervallium ex Barrovii

Gregoriive libris Propositiones, quas memorat Abbas; si modo eas scripto commiserit Robervallius: Cum hic illorum libros viderit, illi hujus scripta legerint nunquam.

Sed Abbatis fabulam tantisper veram esse jubeamus. Esto quod Epistolam hanc nunc primum visam Torricellio inscripserit Robervallius. "Ergo (inquit Abbas) Methodus transformandi figuras ibi reperta eadem est, si penitus excutiat, cum exhibita à Gregorio primum in "Geometria sua Universali, postea à Barrovio in Lect. Geom. horum- "que Propositiones eadem sunt cum conclusionibus Robervallii; earun- "dem quippe figurarum & constructionum ope demonstratæ. Ecquis jam dubitet, Barroviana & Gregoriana omnia aut longe plurima in Robervallianis hisce contineri? Dicam quod res est. Propositio quæ Gregorio in Geom. Univers. est XI, & Barrovio in Lect. XI est X, eadem est cum Propositione Robervalli de figurarum transformatione. Hanc & quidem unicam (demonstratione misera & pudenda vestitam) videre est inter Gallorum opera varia in fine tractatus de indivisibilibus pag. 241, & rursus pag. 295 in Epistola illa Torricellio inscripta. Quam sibi nihil laudis periisse eo sive Robervallii invento sive Abbatis Commento Judicaret Nostri? Quamque sibi plauderent nunc tam securis de tot aliis inventis & Pyratice licentiæ posthac annuente hoc Abbate, non objiciendis?

Non pigebat tamen adnotasse quam dissimiles rationes secuti sint in causa non dissimili Galloys hic & Wallisus. Adfirmat Wallisus multa esse in libro Cartesii de Geometria ex Harrioto translata. Quippe ostendit esse utrique communia, & quæ in nullo alio reperiantur. Notum est quoque librum Harrioti editum fuisse Londini Anno MDCXXXI, auctore tum mortuo; & Londini, eo Anno fuisse Cartesium natum annos 37. edidisse demum Geometrica illa Cartesium anno MDCXXXVII. Manifestum tum videtur potuisse Cartesium quædam transulisse ex Harrioto, & non potuisse Harriotum sua transulisse ex Cartesio. At hisce contraria adfirmare non dubitaverit hic Abbas. Gregorius enim Barroviusque scripta sua edidere & diem suum obiere ante edita Robervallii ista, qui illorum scripta viderat, nec moverat de iis litem. Ergo, si qua fides habenda sit Abbati, culpa ipsius Cartesii factum est quo minus credamus Harriotum sua ex Cartesio transulisse. Debuisset enim librum suum dum viveret non edidisse Cartesius. Si librum illum nondum editum & apud se delitescentem servaret Galloys, heu quantum bellum instaret Wallisio. Vale vir Nobilissime & veritatem tueri perge.

*Dabam Oxoniæ, 15 Novembris, An. MDCXCIV.*

II. Monsieur